



## **SAKSFRAMLEGG**

|                                        |                        |
|----------------------------------------|------------------------|
| <b>Sakshandsamar:</b> Ingebjørg Vamråk | <b>Arkivkode:</b>      |
| <b>Arkivsaksnr:</b> 21/140             | <b>Løpenr:</b> 21/1257 |
| <b>Sakstype:</b> Politisk sak          |                        |

### **SAKSGANG**

| <b>Styre, utval, komité m.m.</b> | <b>Møtedato</b> | <b>Saksnr</b> |
|----------------------------------|-----------------|---------------|
| Formannskapet                    | 11.02.2021      | 011/2021      |
| Kommunestyret                    | 25.02.2021      | 007/2021      |

## **Avtale Regionalt Digitaliseringsarbeid**

### **25.02.2021 Kommunestyret:**

Handsaming i møtet:

Formannskapet si tilråding vart samrøystes vedteke.

### **KS- 007/2021 Vedtak:**

Samnanger kommune sluttar seg til samarbeidet DigiVestland, og delegerer til rådmann å inngå avtale om regionalt digitaliseringssamarbeid. Stipulert kostnad for 2021 på NOK 50 000 vil bli finansiert over disposisjonsfondet. Seinare års kostnader vil bli innarbeidde i budsjetta.

### **11.02.2021 Formannskapet:**

Handsaming i møtet:

Rådmannen sitt framlegg vart samrøystes vedteke.

### **FORM- 011/2021 Vedtak:**

Samnanger kommune sluttar seg til samarbeidet DigiVestland, og delegerer til rådmann å inngå avtale om regionalt digitaliseringssamarbeid. Stipulert kostnad for 2021 på NOK 50 000 vil bli finansiert over disposisjonsfondet. Seinare års kostnader vil bli innarbeidde i budsjetta.

### **Rådmannen sitt framlegg til vedtak:**

Samnanger kommune sluttar seg til samarbeidet DigiVestland, og delegerer til rådmann å inngå avtale om regionalt digitaliseringssamarbeid. Stipulert kostnad for 2021 på NOK 50 000 vil bli finansiert over disposisjonsfondet. Seinare års kostnader vil bli innarbeidde i budsjetta.

### **Dokument som er vedlagt:**

20201218 Referat styringsgruppemøte - utkast

Fordelingskostnader DigiVestland

Avtale Regionalt Digitaliseringsarbeid

Saksutgreiing Masfjorden kommune

## **Dokument som ikkje er vedlagt:**

### **Kva saka gjeld:**

Saka gjeld samarbeid om digitalisering i Vestland. Vedlagde framlegg til avtale om regionalt digitaliseringssamarbeid er sendt til handsaming i alle kommunar i Vestland.

### **Vurderingar og konsekvensar:**

Digitaliseringsarbeidet i kommunar, fylkeskommunar og statlege verksemdar skal i tida framover legge grunnlaget for utvikling av samanhengande tenester til innbyggjarar, frivillige organisasjonar og næringsliv. Dette krev samordning og samarbeid på nye og forpliktande måtar. Den nasjonale digitaliseringsstrategien «En digital offentlig sektor» adresserer behovet for forsterka innsats på digitaliseringsområdet.

Bakgrunnen for tiltaket er at dei oppgåvene som skal løysast, er dei same for alle kommunane. På eit tidspunkt såg ein at det ville vere føremålstenleg å løyse desse oppgåvene saman, i staden for kvar for seg eller i større eller mindre grupperingar.

DigiVestland skal setje kommunane i stand til å handtere og dra nytte av den digitale utviklinga. Sentralt for forståinga av prosjektet er at felles koordinering og innføring av nasjonale løysingar, skal føre til at løysingane raskt og effektivt kunne takast i bruk og gje gevinstar. Samarbeidet vil vere bindeledd mellom den enkelte kommune og den nasjonale styringsstrukturen på digitaliseringsområdet.

Det vil bli gjeve ytterlegare orientering i møtet. Sjå elles saksutgreiinga frå Masfjorden kommune, som er vedlagt.

Hittil har prosjektet vore delfinansiert av skjønnsmidlar frå Fylkesmannen, medan kostnaden i det vidare vil bli finansiert av dei deltakande kommunane. Kostnaden for Samnanger kommune blir på NOK 149 700, noko som tilsvarar NOK 60 per innbyggjar. Det er uklart kor stor andel av kostnaden som fell på 2021, og beløpet i framlegg til vedtak er difor stipulert. I tillegg til dette kjem noko eigeninnsats ved gjennomføringa av prosjektet.